

Peqatigiiffup SIP Aasiaat malittarisassai

§ 1. Sulinerlik Inuussutissarsiuteqartut Peqatigiiffiat Aasiaat

§ 2. Peqatigiiffiup angerlarsimaffia: Aasiaat

§ 3. Nunaqarfiiit: Kitsissuarsuit, Akunnaaq

Siuqertaq suliassallu

§ 4. Peqatigiiffiup siunertaraa suliassaralugillu suliffeqarfinni sulisut sinnisaat suleqatigalugit.

- Peqatigiiffiup ASIP-p SIK-lu ingerlatsivii allat, soorlu SIK-p allattoqarfia, kingunissalim-mik suleqatiginerisigut ilaasortanut iluaqtissiinissaq.
- Sulisartut aamma lærlingit/ilinniartut sumiiffimmiittut tamaasa ataatsimoortissallugit akissarsiatigut atorfegarnikkullu atugassarisanik pitsaasunik kiisalu sullivinni suliffeqarfikkut avatangiisink toqqissisimanartunik angusaqarumalluni.
- Isumaqtigiissutit inatsisillu atuuttut – soorlu sullivimmi avatangiisit pillugit – illoqarfimmi/nunaqarfimmi suliffeqarfinni eqquutsinneqartarnissaat sulissutigissallugu.
- Ilasortat suliffeqannginnerisa napparsimanelisalu nalaanni pisariaqartitaminnik ikorneqartarnissaasa sulissutiginissaat.
- Sulisartut peqatigiinneranni kammalaatigiinnerannilu katersuuffiussalluni.
- Ilasortat pisinnaatitaaffii pillugit siunnersortassallugit.
- Suliffinni isumaqtigiinnginnerni, soorlu inunnut aalajangersimasunut tunngatillugu suliassani ilasortat akuufigisaanni, ilasortat soqutigisaannik SIK-p allattoqarfia suleqatigalugu illersuissalluni.
- Illoqarfimmi/nunaqarfimmi suliffinni sulisut sinnisaannik qinersisarnissaq qulakkiissallugu, aammalu sulisut sinnisaasa qinerneqartut aqqinik SIK-p allattoqarfianut ilisimatitsissuteqartassalluni.
- Sulisut sinnisaasa suliaat pillugit sulisitsisunik isumaqtigiissutit malinneqarnissaat qulakkiissallugu.

Ilasortat

§ 5. Ilasortangortinnejarsinnaapput kikkuugaluartulluunniit ASIP-p/SIK-p malittarisassaanik piumasaqataanik naammassinnittut.

§ 6. Ilasortangorneq pissaaq immersugassamik immersuinikkut atsiuinikkullu, Ilasortaajun-naarneq imaluunniit allannguutit taamatuttaaq nalunaarutigineqassapput.

Ilasortangornermi sulisartut peqatigiiffiat imaluunniit sulisut sinnisaat saaffigineqartassapput.

Imm. 2. Ilaasortat nutaat peqatigiiffup sulinera pillugu paasissutissinneqartarnissaannut siulersuisut akisussaapput.

Ataatsimeersuarneq

§ 7. Ataatsimeersuarneq tassaavoq peqatigiiffik oqartussaasoq qullerpaaq.

Imm. 2. Ileqquusumik ataatsimeersuarneq ukiut sisamakkaarlugit ingerlanneqartassaaq marsip qaammataa naatinnagu kingusinnerpaamillu ullut 14-it sioqqullugit najukkami atuagassiatigut nittarsaanikkut, taamaattoqarpat, kiisalu illoqarfiup/nunaqarfiup allagarsiviisigut kiisalu suliffeqarfinni allagartaliilluni ilimasaaruteqarnikkut ataatsimeersuariartoqqusisoqartassalluni.

Imm. 3. Ataatsimeersuarnermi oqaaseqarsinnaatitaasut taasisinnaatitaasullu tassaapput ilaasortat ilaasortaanermut akiliuteqarsimasut tamarmik, pisinnaatitsissuteqarluni imaluunniit allakkatigut taasisoqarsinnaanngilaq.

§ 8. Ileqquusumik ataatsimeersuarnermi ullormut oqaluuserisassat ikinnerpaamik makkuninnga imaqassapput:

1. Siulittaasup ataatsimeersuarneq ammassavaa.
2. Ataatsimeersuarnermi aqutsisussamik imaqarniliortussamillu toqqaaneq, kiisalu taasinerni kisitsisartussanik.
3. Siulersuisut nalunaarutaat, oqaaseqarfingineqarlunilu akuerineqarnerat.
4. Naatsorsuutinik kukkunersiukkanik ilisimatitsissutitut.
saqqummiussineq, oqaaseqarfingineqarnerat akuerineqarnerallu.
5. Malittarisassanut allannguutissatut siunnersuutit, taassisutiginerallu akuerineqarneri.
6. Siunnersuutit takkuttut.
7. Ilaasortaanermut akiliutip aalajangersarneqarnera akuerineqarneralu.
8. Missingersuutit oqaluuserineqarneri akuerineqarnerilu.
9. Siulersuisunut qinersineq.
 - a. Siulittaasoq
 - b. Siulittaasup tullia
 - c. Siulersuisunut ilaasortat pingasut
 - d. Sinniisussat pingasut
10. Taasariaqartut allat.

§ 9. Ilaasortat peqatigiiffimmut akiliisimasut tamarmik siulersuisunut qinigaasinnaapput.

§ 10. Siunnersuutit ataatsimeersuarnermi eqqartortikkusutat siulersuisunit tiguneqareersimasapput ataatsimeersuarnissaq kingusinnerpaamik 8-nik sioqqullugu, Ilaasortat § 7 imm. 3 naapertorlugu oqaaseqarsinnaatitaallutillu taasisinnaatitaasut tamarmik siunnersuutinik taamaatunik saqqummiussisinnaapput, siulersuisut pisussaatitaapput siunnersuutigineqartut nalilersus-

sallugit, siunnersuutit ataasiakkaat nalilorsorneqareerpata siunnersuutigineqartoq akuerineqassarnersoq, allakkatigulluunniit akiinnarneqarsanersoq siulersuisuni aliagerneqartassaaq.

§ 11. Ataatsimeersuarnermi nalinginnaasumik amerlanerussuteqarnikkut aalajangersaasoqartassaaq, malittarisassani allamik allassimasoqanngippat, taamaattorli inummik qinersineq ingerlanneqarpat qinersisoqaqqissaaq, qinerseqqinnermi taasinerit naligiippata makitsinikkut qinersineq ingerlanneqassaaq.

Imm. 2. Allalluni taasinerit ingerlanneqartassapput, tamanna ataatsimiinnermi peqataasumit – ataatsimit - kissaatigineqarpat, kiisalu siulersuisunut qinigassanngortittut siulersuisuni ilaasortanit amerlanerit qinigassanngortippata.

§ 12. Ataatsimeersuarnermi ASIP-p malittarisassaanut nammineq malittarisassaanut akerliusunik aalajangiisoqarsinnaanngilaq, aalajangiinerillu pisassapput ASIP-p ataatsimeersuarnera ataqqillugu.

§ 13. Ataatsimeersuarnermit imaqarniliaq SIK-p allattoqarfianut nassiunneqassaaq kingusinnerpaamik ataatsimeersuarnermit sap. ak. 3 qaangiutsinnagit.

Immikkut ittumik ataatsimeersuarneq

§ 14. Immikkut ittumik ataatsimeersuartoqarsinnaavoq siulersuisuni amerlanerussuteqartut tamanna pisariaqartutut isigippassuk - ilaasortalluunniit pingajorarterutaasa atsiornermikkut tamanna piumasarippassuk, piumasarineqartoq ullormut oqaluuserisassatut siunnersuummik ilaqtarinneqassaaq.

Imm. 2. Immikkut ittumik ataatsimeersuarneq ingerlanneqassaaq tamatuminnga piumasaqarnerup siulersuisunit tiguneqarneranit kingusinnerpaamik sap. ak. 3 qaangiutsinnagit.

Imm. 3. Immikkut ittumik ataatsimeersuariaqqusisoqassaaq sivikinnerpaamik ullut 14-it sioqquullugit najukkami atuagassiatigut nittarsaanikkut, taamaattoqarpat, kiisalu illoqarfiup/-nunaqarfiup allagarsiiviisigut kiisalu suliffeqarfinni allagartaliilluni.

Imm. 4. Immikkut ittumik ataatsimeersuarnermi siulersuisunut qinersisoqarpat qinersineq ileqquusumik ataatsimeersuarnissap tulliuttup tungaanut atuutissaaq.

Imm. 5. § 8 aamma §§ 11-13 taamatuttaaq atorneqassapput immikkut ittumik ataatsimeersuarnermi.

Ataatsimiijnerit

§ 15. Ukiuni ataatsimeersuarfiunngitsuni sinniisunut pilersaarutit naatsorsuutillu saqqummiunneqartassapput, aammalu siulersuisuni, sulisut sinnisaannillu qaammammut ataasiarlutik ataatsimittassallutik, pisariaqartoqartillugulu siulittaasoq ataatsimiigiaqqusisinnaavoq, siulittaasoq peqannginnerata nalaani siulittaasup tullia pisussaavoq ataatsimiigiaqqusissalluni.

Siulersuisut

§ 16. ASIP-mi siulersuisut peqatigiiffiup ulluinnarni aqunneqarneranut akisussaasuupput, pisus-saallutilu peqatigiiffiup nammineq malittarisassai naapertorlugit aqussallugu, soorlu siunertat suliassallu § 4-mi taaneqartut sulissutigineqarnerat qulakkiissallugu, kiisalu peqatigiiffiup ataatsimeersuarnerani aalajangiinerit.

§ 17. Siulersuisut namminneq ulluinnarni suleriaasissartik aalajangersaavigissavaat, siulersuisut akornanni suliassat aalajangersimasut agguataarnissaannik minnerpaamik ilaqaqtussaq, kiisalu siulersuisut ataatsimiittarnissaannut sulisullu sinnisaannik ataatsimeeqatiginnittarnissamik piler-saaruteqassallutik.

Imm. 2. Siulersuisut aalajangiisinnaassuseqarput siulersuisuni ilaasortat taasinerit naligiippata siulittaasup taasinera aalajangiisuussaaq, siulittaasup peqannginnerani siulittaasup tulliata taasi-nera aalajangiisuussaaq.

Imm. 3. Siulittaasoq peqatigiiffup ingerlanneqarneranut akisussaasuni qullersaavoq, siulersuisulli aalajangernerisigut tamanna siulersuisuni ilaasortamut allamut akisussaaffittut tunniunne-qarsinnaalluni.

Imm. 4. Siulittaassusimasup ataatsimeersuarnerup kingorna siulittaasunngortoq ulluni 14-nini killiffik pillugu suleqatigeqqaassavaa.

Imm. 5 Peqatigiiffiup ulluinnarni allaffissornikkut ingerlanneqarnera pillugu siulersuisut pisari-aqartunik aalajangiissassapput, tamatumani aamma allaffimmi sulisunik atorfinititsinerit soraarsitsinerillu pillugit aalajangiernik.

Imm. 6. Siulittaasup akissarsiai, siulersuisunut ajunngitsorsiat, allaffimmilu sulisup akissarsiaqar-tinneqarnera, kiisalu sulisut sinnisaasa ajunngitsorsiassaat missingersuusiami ataatsimeersuar-nermi akuersissutigineqartumi allassimassapput, kiisalu ukiut tamaasa ilaasortanik ataatsimiisitsi-nermi nalilorsorneqarlutillu akuersissutigineqartassapput.

§ 18. Siulersuisut ataatsimiinnerannit imaqarniliaq SIK-p allattoqarfianut nassiunneqassaaq ataatsimiinnerup kingorna kingusinnerpaamik sap. ak. 3 qaangiutsinnagit.

§ 19. Siulersuisunut ilaasortaq Naalakkersuisunut ilaasortatut toqqarneqaruni imaluunniit borgmesteritut qinigaaguni siulersuisunut ilaasortaajunnaassaaq.

Imm. 2. Siulersuisunut ilaasortaq politikkikkut suliaqarnini pissutigalugu allamilluunniit pissute-qarluni siulersuisunut ilaasortatut suliassaminik isumaginnissinnaajunnaartutut naliliiguni, taanna siulersuisunut ilaasortaajunnaarniarluni aalajangersinnaavoq.

Tamanna taamaallaat piffissamat killilimmuit atuuppat, pineqartoq sulinngiffeqarallarnissamut akuerineqaannarsinnaavoq, sulinngiffeqarallarnissamut akuerineqartoq siulittaasuppat, siulittaasup tullia sulinngiffeqarallarnerup nalaani siulittaasutut atuutissaaq, sulinngiffeqarallarnissamut akuerineqartoq siulittaasup tullerippagu, siulersuisut aalajangissapput siulersuisunut ilaasortaq

sorleq sulinngiffegarallarnerup nalaani siulittaasup tulliatut atutissanersoq, sulinngiffegarallarnissamut akuerineqartoq siulersuisunut ilaasortaappat siulittaasuunngitsoq imaluunniit siulittaasumut tulliunngitsoq, siulersuisut aalajangersinnaapput sinniisussamik siulersuisunut ilaasortanngortoqassasoq sulinngiffegarallarnerup nalaani atuuttussamik, qinersinermi § 8-mi nr. 7-im taaneqartumi taaneqarnerpaasimasumik.

Imm. 3. Siulersuisunut ilaasortaq peqatigiiffiup aningaasaataanik atornerluisimasoq siulersuisunut ilaasortaajunnaarsinneqarsinnaavoq, aningaasanik atornerluisimaneq ilaasortaajunnaarsitsinissaq pitinnagu kattuffiup kukkunersiusuanit uppermarsarneqassaaq, aammattaaq ilaasortaajunnaarsitsisoqarsinnaavoq siulersuisunut ilaasortaq paasissutissanik allagaatinilluunniit immikkoortortaqarfimmut ajoqutaasumik atorneqarsinnaasunik siulersuisunit akuerineqarnani ingerlatitseqqiisimappat.

Imm. 4. Imm. 1-3-mi taaneqartutut pisoqarnerani siulittaasoq siulersuisunut ilaasortaajunnaarpas siulittaasup tullia siulittaasunngussaaq ileqquusumik ataatsimeersuarnissami tulliuttumi siulittaasumik nutaamik qinersinissap tungaanut, taava siulersuisut siulittaasup tullianik nutaamik qinersissapput, tamatuma peqatigisaanik siulersuisuni sinniisussaaq qinersinermi § 8-mi nr. 7-im taaneqartumi taaneqarnerpaasimasoq siulersuisunut ilaasortatut atuutilissaaq.

Siulersuisut aalajangersinnaapput periaaseq qulaani taaneqartoq atornagu immikkut ittumik ataatsimeersuariaqqusisoqassasoq piaarnerpaamik siulittaasussamik nutaamik qinersinissaq siunertaralugu.

Imm. 5. Imm. 1-3-mi taaneqartutut pisoqarnerani siulittaasup tullia siulersuisunut ilaasortaajunnaarpas siulersuisut siulittaasup tullianik nutaamik qinersissapput siulersuisunut ilaasortat akornannit, tamatuma peqatigisaanik siulersuisuni sinniisussaaq qinersinermi § 8-mi nr. 7-im taaneqartumi taaneqarnerpaasimasoq siulersuisunut ilaasortatut atuutilissaaq.

Imm. 6. Imm. 1-3-mi taaneqartutut pisoqarnerani siulersuisunut ilaasortamik siulittaasuunngitsumik imaluunniit siulittaasumut tulliunngitsumik siulersuisunit tunuartoqarpas siulersuisuni sinniisussaaq qinersinermi § 8 nr. 7-im taaneqartumi taaneqarnerpaasimasoq ilaasortanngussaaq, sinniisussat arlallit amerlaqatigiinnik taaneqarsimappata, imaluunniit sinniisussat taasinertaqanngitsumik qinigaasimappata, kina siulersuisunut ilaasortanngussanersoq makitsissutigineqas-saaq.

Aningaasaqarneq, naatsorsuutit aamja kukkunersiuineq

§ 20. Immikkoortortaqfiup ukiumoortumik naatsorsuutaasa qaammatisiutit ukiuat malissavaat.

Imm. 2. Siulersuisut peqatigiiffiup naatsorsuutai akuersissutigissavaat, taakkulu tamatuma kingorna ilisimatitsissutitit sulisut sinniisaasa ataatsimiinneranni saqqummiunneqassapput.

Naatsorsuutit kukkunersiuisumit SIK-p ataatsimeersuarnerani qinerneqarsimasumit kukkunersior-neqartassapput.

Imm. 3. Peqatigiiffiup naatsorsuuserissunneqarnera SIK-p allattoqarfiani naatsorsuuserisumit ingerlanneqassaaq, taanna aammattaaq peqatigiiffiup konto-inut netbankikkut isersinnaanermut akuersisummik peqartussaalluni, SIK-p allattoqarfiaita qaammatit tamaasa naatsorsuutinut allatukkat anillatsillugit immikkoortortaqarfimmut nassiuttassavai.

Atsiorñissamut maleruaqqusat arjinggaasanut akisussaassuseqarneq

§ 21. Peqatigiiffik sinnerlugu atsiorsinnaatitaavoq siulittaasoq aamma ikinnerpaamik siulersuisuni ilaasortaq ataaseq, taarsigassarsiaqarnermi aamma illuutigisamik tunisaqarnermi pisinermilu imaluunniit qularnaveeqqusiusinermi peqatigiiffik sinnerlugu siulersuisunut ilaasortat tamarmik atsioqataassapput.

Imm. 2. Peqatigiiffimmut ilaasortat peqatigiiffiup pisussaaffigilersimasaanut inuttut ataasiakkaatut pisussaaffilerneqarsinnaanngillat.

Malittarisassanik allanngortitsineq

§ 22. Malittarisassat taamaallaat ataatsimeersuarnermi 2/3-mik amerlanerussuteqartunit allann-gortinneqarsinnaapput, tassani allanngortitsinissamut siunnersuut ullormut oqaluuserisassani allassimassalluni.

Malittarisassat taakku minnerpaamik imaqqassapput aalajangersakkanik peqatigiiffiit malittarisassanni nalinginnaasuni.

Imm. 2. Malittarisassanik allanngortitsinerit ukiut tamaasa ilaasortanik ataatsimiisitsinermi pisassaaq.

Ilaasortaanermut akiliut

§ 23. Ilaasortaanermut akiliut ataatsimeersuarnermi akuersissutigineqarsimasoq kr. 160,00 Ilinniartut, ullullu affaa sulisartut kr. 80,00 akiliuteqartassapput, akiliutit tamarmik qaammammut akiliutaapput, peqatigiiffimmut akiliutip saniatigut S.I.K-mut akiliut ilanngunneqartarpoq, annertussusaa nakkutilliisoqarnermi aaliangersarneqartarpoq.

Ataqqinaammik ilaasortaqarneq

§ 24. Ataqqinaammik ilaasortanngortinnejartussamik Peqatigiiffimmut ilaasortat kikkulluunniit siunnerteqarsinnaapput, isumaqarunik Peqatigiiffiup ingerlanneqarnerani pitsaasumik malunnaatilimmik suliniuteqarluarsimasunut naleqqussaasoqareerneratigut.

Imm. 2. Ataqqinaammik ilaasortanngortitsineq siulersuisuniit ingerlanneqartassaaq, ataqqinaammillu ilaasortanngortinnejartoq suliffeqarpal akiliuteqarnera unitsinneqassaaq, tunissuteqarfingeqartassallutillu juullilernerani aammalu nalliunnerani.

Toqukkut qimaguttoqartillugu

§ 25. S.I.P Aasiaat ataqqinaammik ilaasortat toqukkut qimagutsillugit, I.F.T-mullu ilaasortaann-gippata ilerrata akiata 1/3-nik akileeqataasoqartassaaq, ilisaaneranilu ataqqillugu erfalasu-lisaartoqartassaaq, kiisalu peqatigiiffimmut siulersuisuni ilaasortaasimasup toqukkut qimagun-nerani naasortaliisoqartassaaq.

Imm. 2. Siulersuisuni ilaasortaq qinigaaffiup iluani toqukkut qimagutsillugu ilisaanerani katinnga-tilisaarluni naasortalerneqarlunilu naalagiarfingineqartassaaq.

Tunuartitsisirnaaneq

§ 26. Siulersuisuni ilaasortamik tunuartitsineq pisassaaq peqatigiiffiup pigisanik atornerluiso-qarsimappat, ilaasortaajunnaarsitsineq aatsaat pisinnaavoq ukiumoortumik immikkulluunniit ataatsimeersuarnermi najuuttut 2/3-isa akuersissutigipassuk, ataatsimeersuarnissaq ullunik 14-nik sioqqullugu ilaasortajunnaarsinniagaq nalunaarfingineqassaaq, pineqartoq pisinnaatitaavoq suliamut imminut tunngasunit misissuinissaminut, ataatsimeersuarnermilu oqaaseqarsinnaatitaal-luni.

Imm 2. Uppernarsaatilimmik aningaasanik atornerluisoqarsimatillugu, siulersuisut pisinnaa-titaapput peqatigiiffiup aningaasaatai atornerlunneqarsimasut utertinniassallugit eqqartuussivik aqqtigalugu.

Peqatigiiffimik atorunnaarsitsineq

§ 27. Peqatigiiffimik atorunnaarsitsineq taamaallaat ataatsimeersuarnermi pisinnaavoq, tassani atorunnaarsitsinissaq ullormut oqaluuserissani allassimassalluni, ataatsimeersuarnermilu peqataa-sut 2/3-isa siunnersuut akuerippassuk.

Imm. 2. Atorunnaarsitsinermi peqatigiiffik akitsoqarpat taakku akiligassaqarfinnut akilerneqassap-put.

Pigisat sinneruttut, tassunga ilanngullugit allattaaviit protokolit, imaqarniliat il.il., SIK-p allattoqar-fianut tunniunneqassapput.

Ataatsimeersuarnermi akuersissutigineqartut ulloq 8 mars 2023

Ataatsimeersuarnermi


Nuunu Johansen
siulittaasooq


Qijana Fleischer
Siulittaasup tullia


Nikolaj Søholm
Siulersuisuni ilaasortaq


Kaalinnguaq Seigstad
Siulersuisuni Ilaasortaq


Imiina Piitoraq Jensen
Siulersuisuni ilaasortaq

Ataatsimeersuarnermi akuersissutigineqartut ulloq 8 mars 2023

Ataatsimeersuarnermi akuersissutigineqartut ulloq 8 mars 2023